



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 30. Pacta de Investitura inita.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. plexus est. Monachum professus ceteris fratribus simplici humilitate, vitæ puritate, & morum mansuetudine præulxit, atque anno exinde decimo, Incarnationis Dominicæ millesimo centesimo trigesimo primo sancte obiit.

A.C. 1122.
 Petr. Clun.
 III. ep. 2.

§. XXX.

Paçta de Investitura inita.

Ab. Uysper. Pandulf. Episcopus Spirensis & Abbas Fuldensis, ut diximus, pacis reducendæ causâ, Romam missi, in Germaniam reversi sunt, cum tribus Cardinalibus Legatis Pontificiis, Lamberto Episcopo Ostiensi, Saxone Presbytero, Titulo S. Stephani in monte Cælio, & Gregorio Diacono, Titulo S. Angeli, quos Papa, Cardinalibus & omnibus Italiæ Episcopis id suadentibus, redeuntibus comites dederat. Indicta quidem sunt Comitia generalia Herbipoli celebranda, sed absente Imperatore nihil actum. At tandem conventum Wormatiæ, mense Septembri ad Festum Nativitatis Beatæ Virginis, ubi postquam plus quam integro octiduo disceptatum est, pacis fœdera inire statuitur, chartæ committitur Scriptum, in quo Callistus Papa, sermone ad Henricum Imperatore directo, ait: *Concedo tibi, electiones Episcoporum & Abbatum Teutonici Regni, te præsentem fieri, absque Simonia & vi adhibita; ut si qua inter partes discor-*
dia

to. 10. Cons.
 p. 889.

dia emerferit, Metropolitanis & illius provincie Episcoporum consilio vel iudicio, saniori parti assensum & auxilium præbeas. Electus autem a te Regalia accipiat per Sceptrum (exceptis omnibus, quæ ad Romanam Ecclesiam pertinere noscuntur) & quæ de iure tibi debet, faciat. In aliis Imperii partibus consecratus Episcopus infra sex menses Regalia a te recipiat. De quibus vero querelam ad me detuleris, pro officii mei ratione auxilium tibi præstabo. Do tibi veram pacem, & omnibus qui a partibus tuis stant, vel tempore huius discordiæ steterunt.

Nomine Imperatoris Rescriptum concinnatum est in hunc modum: Pro amore Dei, Sanctæ Romanæ Ecclesiæ, Domini Papæ Callisti, & pro remedio animæ meæ, remitto omnem Investituram per anulum & baculum; & concedo in omnibus Ecclesiis, quæ in Regno & Imperio meo sunt, Canonice fieri Electionem, & liberam consecrationem. Terras & Regalia Beati Petri, quæ a principio huius discordiæ, usque ad hodiernam diem, ablata sunt, quæ habeo, Sanctæ Romanæ Ecclesiæ restituo, quæ autem non habeo, ut reddantur bona fide iurabo. Possessiones etiam aliarum Ecclesiarum, Principum, aut privatorum restituam. Do veram pacem Domino Papæ Callisto, Sanctæ Romanæ Ecclesiæ, & omnibus, qui eidem Ecclesiæ conjuncti sunt,

Sæcul. XII. *aut prius fuerunt, & in quibus eadem Ec-*
A.C. 1122. *clesia auxilium a me postulaverit, bona si-*
de juvabo. Regalia vocabantur, ut dixi,
 census in ærarium Principis inferendi,
 jus cudendi monetam, vectigalia, aliaque
 hujusmodi vel Ecclesiis, vel privatis con-
 cessa.

Hæ Tabulæ utrinque vigesima tertia
 Septembris, anno millesimo centesimo vi-
 gesimo secundo, præsentē innumera ho-
 minum multitudine, loco campestri ad
 Rhenum lectæ, datæ & acceptæ sunt.
 Tum Gratiis Deo rerum omnium Guber-
 natori actis, celebrata sunt ab Episcopo
 Ostiensi Divina Sacramenta, inter quæ
 Imperatorem, dato pacis osculo, Sancta-
 que Communionē, plenissime reconcilia-
 vit. Legati toti quoque Imperatoris
 exercitui & cunctis, hoc Schismati pol-
 lutis, absolutionem impertiti sunt, & ita
 Conventus Wormatiensis, omnibus in-
 gentem lætitiā profitentibus, solutus.
 Imperator alterum haud multo post in
 Festo S. Martini colloquium cum Princi-
 pibus, qui priori non adfuerant, Bamber-
 gæ habuit, ubi, negotiis aliis peractis,
 Legatos nominavit, qui cum Legatorum
 Romanorum uno ad Pontificem profi-
 ciscerentur, & dona deferrent. Papa,
 Legatione hac recepta, Imperatori epi-
 stolam, decima tertia Decembris datam,
 scripsit, in qua gratulatur, quod Cæsā-
 reum

10. 10. Cons.
2. 894.

reum caput Ecclesiæ submiserit, & fate-
 tur, se ea quoque ex causa majore læti-
 tiæ sensu perfundi, quod ambos sangui-
 nis propinquitus jungeret. Rogat, ut
 ob instans Concilii tempus Legatos ma-
 ture remittat.

§. XXXI.

Concilium Oecumenicum Lateranense.

Namque Callistus Papa Concilium Ro-
 mæ, tempore Quadragesimæ, anno
 sequente millesimo centesimo vigesimo
 tertio, celebravit, quod inter Lateranen-
 sia primo, & inter Oecumenica nono lo-
 co ponitur. Adfuere plus quam trecen-
 ti Episcopi, & Abbates plus quam sex-
 centi, universim Præsules mille. Sed de
 hoc Concilio ad nos nihil, nisi Canones
 viginti duo, pervenerunt, plerique ex
 superioribus Conciliis descripti. Statu-
 ta autem memoratu digniora mihi visa
 sunt sequentia. Ordinationes a Burdi-
 no Antipapa, postquam a Romana Eccle-
 sia damnatus est, quæque ab Episcopis,
 per eum postea ordinatis, factæ sunt, ir-
 rita declarantur. Nemo Romanæ Ec-
 clesiæ Bona, præsertim Civitatem Bene-
 ventanam invadat; quod si quis præ-
 sumperit, anathematis vinculo tenea-
 tur. In Canone undecimo legimus: *Eis
 qui Hierosolymam, ad Christianam Gen-
 tem defendendam, proficiscuntur, suorum*

Sæcul. XII.
A.C. 1122.*Suger. vit.
Lud. p. 311.**Pandulf.
Can. 6.*

c. 116

K k 3

pecca-